

2025-mi 2. kvartalimi avataasiorluni aalisakkanik qalerualinnillu aalisarneq

Matumuuna 2025-mi kvartalit aappaanni avataasiorluni aalisarnermi kisitsisit Naatsorsueqqissaartarfimmit saqqummersinneqarput. Pineqartut tabelinngorlugit kisitsisaataasivimmilu kisitsisit tunuliaqutaralugit takussutissiarineqarput. Tabelimi takuneqarsinnaapput 2021-miit 2025-mut kvartalit aappaanni saarullinnut, qeralinnut kinguppaannullu kisitsisit.

2025-mi kvartalit aappaanno kisitsisaagallartut takutippaat qalerallit pisat, ukiuni arlalinni annikinnerujuarsimasut, annertusingaatsiarnerat. Taassuma saniatigut kinguppaat pisat annertusiartorput, 2025-milu annertunerpaallutik.

Ukiup qaammataani siullerni nalunaarusianik amigaateqartoqarsinnaanera peqqutigalungu kisitsisinik atuinnermi tamanna eqqumaffigineqassaaq.

2021-miit 2025-mut kvartalit aappaanni saarulliit, qalerallit kinguppaallu pisat tonsinngorlugit, Kalaallit Nunaannit avataasiorluni aalisariutinit pisat

Suussutsit	2021	2022	2023	2024	2025
Saarullik	18.671	20.575	15.449	23.220	21.785
Qaleralik	3.224	2.475	2.479	2.036	13.178
Kinguppaat	25.964	29.655	27.468	29.084	39.569

Najoqqutaq: Naatsorsueqqissaartarfik – Kisitsisaataasivimmi kisitsisit takukkit <https://bank.stat.gl/FIN008>

Saarulliit pisat annerntussusaat nikerarput 2023-milu appariallutik, taamaattoq pisat ataatsimut isigalungit aalaakkaasumik qaffasillutik. 2025-mili 2024-mit annikinnerulaarput.

2025-mi qalerallit pisat, ukiuni kingullerni sisamani annikinnerullutik apparartorsimasigaluit, annertunerungaatsiarput.

Kinguppaat pisat aalaakkaasumik annertussuseqarput qaffakkiartuaarlutillu. 2025-milu takuneqarsinnaasutut pisarineqarsimasut annertunerpaapput.

Kisitsisaataasivimmi pisat annertussusaannut kisitsisit suussutsinut, aalisarfinnut, Kalaallit Nunaannit aalisariutinut nunaniillu allaniit aalisariutinut immikkoortitikkat kiisalu piffissami 2012-imiit 2025-mi kvartalit aappaat ilanngullugu naatsorsukkat nassaarineqarsinnaapput.

Taassuma saniatigut piffissami pineqartumi qalerallit, saarulliit kinguppaallu qalipaajakkat aamma qalipaajarneqanngitsut ooqanngitsullu qerisut nalinginut naatsorsuutit, avammut tunisat akii najoqqutaralugit kisinneqarsimasut, nassaarineqarsinnaapput.